

Ո Ր Ո Շ ՈՒ Մ N 1455/1
վարչական տույժ նշանակելու մասին

«02» դեկտեմբերի 2021թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Թեոֆարմա իմպորտ» ՍՊ ընկերության (ՀՎՀՀ՝ 00471216, հասցեն՝ ՀՀ, ք. Երևան, Նոր Արեշ 11 փող. 72/28) լիազոր անձ Մովսես Մովսիսյանի (նույն. քարտ՝ 012246401) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Թեոֆարմա իմպորտ» ՍՊ ընկերության անվամբ թիվ 05100010/011221/0078656 ապրանքների հայտարարագրով Մովսես Մովսիսյանի կողմից «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Հայտարարագրով ընտրված է մաքսային հսկողության «Կարմիր ուղի» ընթացակարգը:

Արարատյան մաքսատուն-վարչության փաստաթղթային հսկողության բաժնի կողմից իրականացվել է թիվ 05100010/011221/0078656 ապրանքների հայտարարագրի փաստաթղթային հսկողություն, որի արդյունքում 02.11.2021 թվականին առաջադրվել է պահանջ ապրանքների հայտարարագրում հայտարարագրված տեղեկություններում փոփոխություններ (լրացումներ) կատարելու մասին:

Արարատյան մաքսատուն-վարչության փաստաթղթային հսկողության բաժնի մաքսային տեսուչի կողմից 02.12.2021թ.-ին «Թեոֆարմա իմպորտ» ՍՊ ընկերության լիազոր անձ Մովսես Մովսիսյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով, թիվ 05100010/011221/0078656 ապրանքների հայտարարագրի 1-12-րդ ապրանքների 36-րդ սյունակի վերաբերյալ ոչ ճշգրիտ տեղեկություններով հայտարարագրելու համար:

Մաքսային կանոնների խախտման վերաբերյալ գործի քննությունը նշանակվել է 02.12.2021թ. ժամը 15:00-ին, ինչի անցկացման վայրի և ժամանակի մասին ծանուցումն առձեռն հանձնվել է Մովսես Մովսիսյանին: Վերջինս ներկայացել է գործի քննությանը և որևէ առարկություն չի ներկայացրել:

Նյութերի ուսումնասիրությունից պարզվել է, որ «Թեոֆարմա իմպորտ» ՍՊ ընկերության լիազոր անձ Մովսես Մովսիսյանի կողմից թիվ 05100010/011221/0078656 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է բեռ, սակայն սխալ է հայտարարագրվել ապրանքների հայտարարագրի 36-րդ սյունակը այսինքն հայտարարագիրը ներկայացվել է ոչ ճշգրիտ տեղեկություններով:

Նշված հայտարարագրում ոչ ճշգրիտ տեղեկություններ ներկայացնելը առաջացել է մաքսային վճարների պակաս հաշվարում՝ ընդհանուր **126,850 ՀՀ դրամի** չափով (մաքսատույքի գումար՝ 105,709 ՀՀ դրամ և ԱԱՀ-ի գումար՝ 21,141 ՀՀ դրամ):

ԵԱՏՄ Մաքսային Միության Հանձնաժողովի 20.05.2010թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով

սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա սյունակները, որոնց մեջ ներառված են նաև 36-րդ և 47-րդ սյունակները:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում՝ հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Այսպիսով, «Թեոֆարմա իմպորտ» ՍՊ ընկերության լիազոր անձ Մովսես Մովսիսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով առաջացել է մաքսային վճարների պակաս հաշվարկում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար «Թեոֆարմա իմպորտ» ՍՊ ընկերության լիազոր անձ Մովսես Մովսիսյանին ենթարկել վարչական պատասխանատվության՝ տուգանելով **63,425 ՀՀ դրամի** չափով:
2. Որոշման մասին հայտնել «Թեոֆարմա իմպորտ» ՍՊ ընկերության լիազոր անձ Մովսես Մովսիսյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

3. Որոշմամբ նշանակված տուգանքի վճարման հաշվեհամարն է 900005024055-ը
(ՀՀ պետական բյուջե, կենտրոնական գանձապետարան, Արարատյան
մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ